

PWYLLGOR ARCHWILIO CYMUNEDAU

Cofnodion cyfarfod o'r Pwyllgor Archwilio Cymunedau a gynhaliwyd yn Ystafell Gynhadledd 1a, Neuadd y Sir, Rhuthun, Dydd Iau, 12 Ebrill 2012 am 9.30 am.

YN BRESENNOL

Y Cynghorwyr James Davies, Rhys Hughes, David Smith (Cadeirydd) a Cefyn Williams

HEFYD YN BRESENNOL

Y Cynghorydd Bill Cowie, Y Cynghorydd Gwilym C Evans ac Y Cynghorydd Gwyneth Kensler

PWYNT O SYLW

Llongyfarchodd y Cadeirydd y Cynghorydd Cefyn Williams ar fod yn un o'r pedwar cynghorydd sir yn sefyll yn ddiwrthwynebiad yn etholiadau'r cyngor sir.

1 YMDDIHEURIADAU

Y Cynghorwyr Brian Blakeley, June Cahill, Richard Jones, Peter Owen, Selwyn Thomas a'r Cyfarwyddwr Corfforaethol Dysgu a Chymunedau.

2 DATGANIADAU O DDIDDORDEB

Ni chodwyd unrhyw ddatganiadau personol neu ragfarnol.

3 MATERION BRYD FEL Y'U CYTUNWYD GAN Y CADEIRYDD

Dywedodd y Cadeirydd ei fod yn bwriadu cynnwys y mater canlynol i'w drafod, sydd angen sylw brys - **B5105 Stryd Mwrog Street, Rhuthun.**

Cyfeiriodd y Cynghorydd Rhys Hughes at y cyhoeddusrwydd negyddol yn ddiweddar ynghylch pryderon diogelwch traffig ar ran o Stryd Mwrog, Rhuthun, y mae ymgyrchwyr yn honni sydd yn rhy gul a pheryglus i gerddwyr. Dywedodd y Rheolwr Adain: Rheoli'r Rhwydwaith y cynhaliwyd cyfarfod yn ddiweddar gyda thrigolion i drafod eu pryderon a bod nifer o ddewisiadau yn cael eu hystyried. Dywedodd y Cadeirydd nad oedd cynghorwyr sir yn rhan o'r cyfarfod oherwydd y cyfnod purdah ac y cytunwyd i ystyried y mater ymhellach ar ôl etholiadau'r cyngor sir.

PENDERFYNWYD nodi'r sefyllfa ac y byddai'r pwyllgor yn ystyried y problemau a godwyd ynghylch Stryd Mwrog, Rhuthun ar ôl etholiadau'r cyngor sir sydd i'w cynnal fis Mai 2012.

4 COFNODION

Cyflwynwyd cofnodion y Pwyllgor Archwilio Cymunedau a gynhaliwyd ar 1 Mawrth 2012.

Materion yn Codi -

Tudalen 5 – Eitem Rhif: 7 Newidiadau i Strategaeth Cefnogi Pobl ar gyfer 2012 / 14 ac i'r Cynllun Gweithredu Cefnogi Pobl ar gyfer 2012 / 13 – Mewn ymateb i gwestiwn gan y Cadeirydd, dywedodd y Cydlynnydd Archwilio fod y Cabinet, yn ei gyfarfod ar 20 Mawrth 2012, wedi cytuno ar newidiadau i'r Strategaeth ac i'r Cynllun Gweithredu. Byddai'r Pwyllgor Archwilio Partneriaethau yn ystyried newidiadau i'r Rhaglen Cefnogi Pobl Genedlaethol a Rhanbarthol ar ôl etholiadau mis Mai 2012.

Tudalen 9 – Eitem Rhif: 10 Rhaglen Waith Archwilio – dywedodd y Cydlynnydd Archwilio fod cyfarfod y Grŵp Tasg a Gorffen a sefydlwyd i ystyried y cynigion ar gyfer Bwrdd Cymunedau Diogelach Gogledd Cymru wedi'i ganslo oherwydd na fydd y cynigion wedi'u datblygu tan ddechrau'r haf. Mae'n debyg y byddai pwyllgor archwilio'n ystyried y cynigion cyn eu cyflwyno i'r Cabinet.

PENDERFYNWYD - *derbyn a chymeradwyo cofnodion y cyfarfod a gynhaliwyd ar 1 Mawrth 2012 fel cofnod cywir.*

5 ETAPE CYMRU

Cyflwynodd y Prif Swyddog Strategaeth Adfywio a Buddsoddi a'r Rheolwr Adain: Rheoli'r Rhwydwaith adroddiad (a rannwyd o'r blaen) yn hysbysu aelodau am gynnydd y trefniadau ar gyfer y digwyddiad beicio Etape Cymru 2012 ers cyfarfod diwethaf y pwyllgor ar 1 Mawrth 2012. Roedd y pwyllgor wedi penderfynu o'r blaen i gadarnhau cau ffyrdd er mwyn gallu cynnal y digwyddiad, ond gyda nifer o amodau.

Roedd y gwaith a wnaed ers y cyfarfod diwethaf yn cynnwys -

- Cyfathrebu'n rheolaidd rhwng y Cyngor a Participate Sport (trefnydd y digwyddiad) a Chyngor Bwrdeistref Sirol Wrecsam.
- Paratoi diweddariad o'r cynllun cyfathrebu (a rannwyd yn y cyfarfod) yn dangos y llwybr a ddewiswyd ac amserau cau Bwlch yr Oerddrws dros dro (er mwyn sicrhau ei fod yn aros ar agor amser cinio). Bydd yn rhaid amseru'n benodol ar gyfer rhai o'r ffyrdd cyfagos a bydd yn rhaid cynhyrchu'r map terfynol yn ystod y pythefnos nesaf.
- Ymgynghorwyd â chynghorau tref / cymuned a chynghorwyr sir ar y llwybr a chyhoeddwyd datganiad i'r wasg (Atodiad 2 i'r adroddiad)
- Ymgynghorwyd a chysylltwyd ag adrannau'r Cyngor a'r Aelodau Arweiniol perthnasol
- cyfarfu'r Grŵp Diogelwch Ymgynghorol i oruchwylio gweithdrefnau rheoli traffig, cludiant a cherddwyr (Atodiadau 3 & 4 i'r adroddiad) a pharatoi cynlluniau ynghylch y problemau ymgynghori, cyfathrebu a rheoli traffig a nodwyd wrth adrodd yn ôl ar ddiwyddiad y llynedd
- dechreuwyd cynnal cyfarfodydd gyda busnesau allweddol i drafod y cyfleoedd iddyn nhw fod yn rhan ac elwa o'r digwyddiad a bwriedir ymweld â busnesau ar y llwybr unwaith y bydd map y llwybr a'r amseroedd yn barod, a
- lansio'r digwyddiad i'r cyfryngau yn Llangollen.

Yn anffodus nad oedd yn bosibl i *Participate Sport* fod yn bresennol yn y cyfarfod heddiw ond dywedodd swyddogion eu bod yn hyderus fod trefnwyr y digwyddiad yn talu sylw i'r problemau sy'n cael eu nodi fel rhai sydd angen sylw a'u bod wedi addo sicrhau cadw at y cytundebau a gytunwyd ar gyfer y digwyddiad. Pwysleisiodd y Prif Swyddog Strategaeth Adfywio a Buddsoddi hefyd werth cyhoeddusrwydd digwyddiadau fel hyn a'r manteision economaidd a ddaw i Sir Ddinbych fel cyrchfan ymwelwyr.

Roedd yr aelodau'n falch o enw da Participate Sport ac o'i brofiad o drefnu digwyddiadau beicio / chwaraeon ac o glywed am ei drefniadau rhag i'r problemau a gafwyd y llynedd yn y digwyddiad cychwynnol godi eto. Cyfeiriodd y Cynghorydd Rhys Hughes at ei brofiad personol o ymdrin â chynrychiolwyr Participate Sport, yn enwedig mewn cyfarfod o Gyngor Cymuned Llandysilio, pan gytunwyd newid y llwybr arfaethedig i sicrhau y byddai llai o bobl yn cael eu heffeithio dros gyfnod y digwyddiad. Cadarnhaodd hefyd fod y trefnwyr wedi cyfarfod â busnesau i dawelu'u hofnau ynghylch y digwyddiad. Cadarnhaodd y Rheolwr Adain: Rheoli'r Rhwydwaith y rhoddwyd sicrwydd i fusnesau y byddai Bwlch yr Oerddrws ar agor i draffig erbyn 11.00am er efallai y byddai angen tacluso ychydig ar y llwybr ar ôl yr adeg hynny. Cyfeiriwyd hefyd at ddigwyddiad beicio ar Fryniau Clwyd ac y gellid datblygu llwybrau eraill o ganlyniad i Etape Cymru. Mewn ymateb i gwestiwn oddi wrth y Cynghorydd Gwilym Evans, cadarnhaodd y Rheolwr Adain: Rheoli'r Rhwydwaith nad oedd y cyngor yn rhoi cefnogaeth ariannol i'r digwyddiad ond fod llawer iawn o amser swyddogion yn cael ei dreulio ar helpu trefnu'r digwyddiad a fydd yn cael ei ysgwyddo gan y gwasanaeth.

Atgoffodd y Cadeirydd yr aelodau y cyflwynir adroddiad yn manylu ar effaith y digwyddiad 2012 i'r pwyllgor ei ystyried fis Hydref 2012.

PENDERFYNWYD *derbyn a nodi'r adroddiad cynnydd ar y trefniadau ar gyfer digwyddiad beicio Etape Cymru 2012.*

6 DIWEDDARIAD AR YMGYSYLLTIAD CYMUNEDOL

Cyflwynodd y Rheolwr Ymgysylltiad Cymunedol adroddiad (a rannwyd o'r blaen) yn gofyn am gefnogaeth yr aelodau i ddatblygu methodoleg strwythuredig ar gyfer gweithgareddau ymgynghori ac ymgysylltu'r Cyngor. Byddai hynny'n ceisio sicrhau y byddai ymgysylltu cymunedol yn rhedeg yn llyfn ac o safon uchel, gyson, ledled y Sir.

O gofio am sylwadau blaenorol y pwyllgor ar y strategaeth ddrafft, roedd adran wedi'i chynnwys ar ymgynghori ac ymgysylltu ag aelodau etholedig (Atodiad 1 yr adroddiad). Cyflwynodd y Rheolwr Ymgysylltiad Cymunedol yr wybodaeth ddiweddaraf i'r aelodau ar gynnydd y Strategaeth Ymgysylltiad Cymunedol 'Dal i Drafod' gan ymhelaethu ar weithgareddau ymgysylltu penodol, gan gynnwys -

- System Rheoli Ymgynghori Ar Lein - cyflwyno o bosibl, 'dudalen ymgynghori' benodol yn gysylltiedig â'r wefan gyda meddalwedd ar gyfer paratoi arolygon, dadansoddi data a chynhyrchu adroddiadau, a manteision mabwysiadu system o'r fath

- Dulliau newydd o gysylltu â phobl ifanc – cynigion i drefnu i fyfyrwyr ifanc weithredu ar ran y cyngor i gysylltu ac ymgynghori â phobl ifanc eraill gan ddefnyddio rhwydweithiau cymdeithasol a'r cyfryngau cymdeithasol mewn sefyllfaoedd cymdeithasol neu mewn mannau ble maen nhw'n cyfarfod yn naturiol.
- Cynllun Cyfathrebu'r Bwrdd Gwasanaethau Lleol – bydd cynllun drafft yn cael ei gyflwyno yng nghyfarfod nesaf y Bwrdd Gwasanaethau Lleol yn dangos yr amcanion cyfathrebu cyffredinol: cefnogi'r Bwrdd Gwasanaethau Lleol i gyfathrebu gydag eraill; negeseuon allweddol a chynllun gwaith cyfathrebu.

Bydd y Strategaeth yn cael ei pharatoi ar ffurf hawdd ei ddarllen a bydd ymgynghori pellach yn ei chylch cyn ei mabwysiadu fel canllawiau i wasanaethau ac i aelodau. Roedd y pwyllgor yn croesawu cynnwys adran yn y strategaeth i ymdrin yn benodol ag aelodau etholedig. Wrth drafod yr adroddiad gyda'r Rheolwr Ymgysylltiad Cymunedol, cododd aelodau'r materion allweddol canlynol -

- nid oedd cynghorwyr pob amser yn cael gwybod am faterion sy'n effeithio ar eu wardiau nhw ac mae dulliau'n anghyson
- wrth dynnu sylw aelodau at faterion penodol yn eu wardiau, dylid ystyried hefyd y gymuned ehangach a dylid cysylltu hefyd gydag aelodau etholedig eraill pe gallai'r mater effeithio ar wardiau eraill. Dylid newid Paragraff 9.2 y 'Strategaeth Ymgysylltiad Cymunedol' i sicrhau fod hynny'n digwydd.
- gofynnwyd am gadarnhad fod swyddogion yn ymwybodol o'r protocol ar gyfer cysylltu â chynghorwyr; eu bod yn gallu gweld i ba wardiau y mae aelodau'n eu cynrychioli a bod mapiau clir, gyda ffiniau cywir ar gael yn rhwydd.
- gallai swyddogion fod yn cydweithio â chynghorau tref / cymuned ar weithgareddau penodol a dylid cydnabod efallai nad yw cynghorwyr sir yn ymwybodol o faterion o'r fath ac y dylid rhoi gwybod iddyn nhw
- mae angen sicrhau fod yr wybodaeth ddiweddaraf ar gael i gynghorau tref / cymuned ar wefan y cyngor gyda dolenni e-bost ble bo'n briodol
- awgrymwyd y dylai Grŵp Cadeiryddion Is-gadeiryddion Archwilio ystyried pa bwyllgor a fyddai orau i archwilio'r Bwrdd Gwasanaethau Lleol.

Cytunodd y Rheolwr Ymgysylltiad Cymunedol i gynnwys cyfeiriadau yn y strategaeth i adlewyrchu sylwadau'r aelodau, i wella cyfathrebu ymhellach gyda chynghorwyr a sicrhau fod swyddogion yn ymwybodol o ofynion y protocol. Soniodd am y bwriad i ymweld ag adrannau i godi ymwybyddiaeth o fodolaeth y strategaeth a'r Siartr rhwng y Cynghorau Tref / Cymuned a'r Cyngor Sir ac o gyfrifoldebau swyddogion ynghylch hynny. O ran cael gwybodaeth, cytunodd y Rheolwr Ymgysylltiad Cymunedol i ymchwilio i ba mor gywir yw mapiau'r wardiau a sicrhau fod proses glir i ganfod yn rhwydd pa aelodau ward sy'n cynrychioli ardaloedd penodol. Byddai hefyd yn cadarnhau fod yr wybodaeth a roddir gan gynghorau tref / cymuned wedi'i chofnodi ar wefan Sir Ddinbych. Wrth ymateb i gwestiwn oddi wrth y Cynghorydd Rhys Hughes, dywedodd y Rheolwr Ymgysylltiad Cymunedol nad oedd unrhyw gynlluniau i uno Grwpiau Aelodau Ardal a fyddai'n gofyn am newid yng nghyfansoddiad y cyngor.

PENDERFYNWYD yn amodol ar sylwadau'r aelodau a fanylir uchod, fod y pwyllgor yn cefnogi'r dulliau sydd wedi'u hamlinellu yn yr adroddiad i ddatblygu methodoleg strwythuredig ar gyfer gweithgareddau ymgynghori a chysylltu'r Cyngor er mwyn sicrhau fod yr Awdurdod yn mabwysiadu dull proffesiynol, cydlynedig a chost effeithiol.

Ar yr adeg yma (10.25am) gohiriwyd y cyfarfod i gael lluniaeth.

7 DOD YN NES AT Y GYMUNED

Cyflwynodd y Cydlynedd Prosiect Trawsffurfio Busnes adroddiad (a rannwyd o'r blaen) yn cyflwyno'r wybodaeth diweddaraf i'r aelodau ar y cynnydd yn y gwaith a wnaed gan y Bwrdd Rhaglen Dod yn Agosach at y Gymuned ers i'r pwyllgor ystyried yr adroddiad diwethaf ar 27 Hydref 2011. Mae Cynllun Gweithredu 'Dod yn Agosach at y Gymuned' (Atodiad 1) wedi'i atodi i'r adroddiad.

Yn dilyn proses resymoli mae'r Cynllun Gweithredu diweddaraf yn cynnwys 29 gweithred ar draws y tri maes blaenoriaeth canlynol -

- (1) Cynrychiolaeth a Chysylltiad – Sut i gysylltu â chymunedau
- (2) Darparu Gwasanaeth – Datblygu'r diwylliant ac agweddau cywir
- (3) Datblygu Cymunedol – Cymuned, Cyfoethogi a Nerthu

Roedd y gweithrediadau wedi'u newid i adlewyrchu sylwadau a phryderon aelodau yn eu cyfarfod ar 27 Hydref. Cyflwynodd y Cydlynedd Prosiect Trawsffurfio Busnes a'r Rheolwr Ymgysylltu Cymunedol yr wybodaeth ddiweddaraf i'r aelodau ar y materion hynny ac ynghylch y materion pellach a drafodwyd gydag aelodau ynghylch y canlynol -

Rheoli Perthynas y Cwsmer – gwnaed llawer o waith ers mis Hydref a chafodd system fwy cadarn o gofnodi cwynion ac adborth i gwynion ei chyflwyno. Roedd yr aelodau'n falch o gael gwell adborth ac awgrymodd y Cynghorydd James Davies y byddai'n ddefnyddiol rhoi enw cyswllt mewn ymatebion e-byst i gynghorwyr. Gofynnodd y Cynghorydd Gwilym Evans am i restr fisol gael ei hanfon, efallai'n electronig, at gynghorwyr o'r cwynion sy'n cael eu trin ynghylch eu wardiau. Pwysleisiodd hefyd bwysigrwydd sicrhau fod pob cynghorydd yn defnyddio'r system Rheoli Perthynas y Cwsmer i gofnodi problemau a chwynion yn hytrach na gofyn i swyddogion unigol ddatrys problemau. O ran Blaenoriaeth 2, Gweithred 2 (tudalen 45 o'r Cynllun Gweithredu) cytunodd y Cydlynedd Prosiect Trawsffurfio Busnes i newid y mesur ynghylch gwella ymatebion y cyngor i gwynion er mwyn dangos yn well y canlyniad sydd i'w gyrraedd.

Adfywio - cafodd gweithrediadau cadarn eu cyflwyno i sicrhau fod y strategaeth ar gyfer cysylltu gyda'r gymuned fusnes yn cael ei darparu ac roedd y rhan fwyaf o gyfarfod diwethaf Bwrdd Rhaglen ynghylch y mater hwnnw. Bydd y dewisiadau ar gyfer pob ardal (Arfordirol, Canolbarth a Dyffryn Dyfrdwy) yn cael eu gwerthuso i sicrhau bod y strategaeth i ymdrin â'r gymuned fusnes yn gadarn ac i ffurfioli cysylltiadau.

Cyllid Cymunedol - bydd papur yn cael ei gyflwyno i'r Tîm Rheoli Corfforaethol ynghylch dyrannu cyllid yn well i gymunedau i ddarparu prosiectau. Gan mai newydd ddechrau y mae'r gwaith mae'n debyg y daw'r mater yn ôl i'r pwyllgor hwn i'w ystyried ymhellach. Ail fynegodd yr aelodau'u pryderon nad oes strwythur na chanllawiau ar hyn o bryd i dalu sylw i ddyrannu cyllid a bod y broses ymgeisio feichus yn rhoi ymgeiswyr am brosiectau llai o dan anfantais. Dywedodd y Cydlynnydd Prosiect Trawsffurfio Busnes y byddai'r papur i'r Tîm Rheoli Corfforaethol yn ceisio talu sylw i ddyrannu cyllid cymunedol i sicrhau proses deg a chyfiawn o nodi prosiectau a datblygu'r meini prawf y bydd yn rhaid eu bodloni cyn y gellir rhyddhau cyllid. Ychwanegodd y byddai'r broses ymgeisio hefyd yn cael ei gwneud yn gliriach.

Dywedodd y Cynghorydd Diana Hannam fod canfyddiad bod y Cyngor yn gwario ar brosiectau yn y Rhyl ar draul rhannau eraill o'r sir, yn rhannol, o bosibl oherwydd y grantiau Ewropeaidd a oedd wedi'u dyrannu i wardiau mwyaf difreintiedig y Rhyl. Er mwyn cael gwared â'r camsyniad hwnnw, gofynnodd am ddadansoddi gwariant y Sir yn gywir i ddangos pa ardaloedd sydd o dan anfantais. Cytunodd y Cadeirydd y byddai'n ddefnyddiol cael dadansoddiad o'r ffigyrau.

Wrth ystyried y Cynllun Gweithredu, atebodd y swyddogion gwestiynau'r aelodau, yn enwedig ynghylch yr arolwg trigolion, y Gronfa Ddatblygu Gymunedol a'r Fforymau Cymunedol. Eglurodd y Rheolwr Ymgysylltu Cymunedol mai presenoldeb gwan oedd yn y Fforymau Cymunedol, y dylid ystyried rhywbeth arall, efallai yn canolbwyntio rhagor ar feysydd gwasanaeth penodol a fyddai'n cysylltu â'r cymunedau a'r cleientiaid ac â'r gwaith sy'n debyg o gael ei wneud gan gydweithwyr y Bwrdd Gwasanaeth Lleol ynghylch hynny. Cytunwyd y dylai unrhyw gynigion i ddisodli'r Fforymau Cymunedol cael eu cyflwyno i'r pwyllgor i'w hystyried.

Ar wahoddiad y Cadeirydd, gofynnodd y Cynghorydd Cefyn Williams a fyddai'n bosibl i aelodau wardiau lleol fod yn bresennol yn Seremonïau Dinasyddiaeth ymgeiswyr yn byw yn Sir Ddinbych. Roedd y cais wedi'i gyflwyno iddo ef gan y Cynghorydd Gwyneth Kensler a oedd yn dweud fod rhai o drigolion Dinbych wedi cymryd rhan yn y Seremoni Dinasyddiaeth ac yn siomedig o weld nad oedd yr aelod lleol yno. Dywedodd y Cadeirydd, y Cynghorydd William Cowie mai'r Arglwydd Raglaw ac yntau (fel Cadeirydd y Cyngor Sir) oedd yr unig swyddogion yn bresennol ac y byddai'n croesawu presenoldeb aelodau lleol. Cefnogodd yr Aelodau'r cynnig hefyd a chytunwyd i godi'r mater gyda'r Rheolwr Cefnogi a Datblygu Aelodau fel y swyddog cyfrifol.

PENDERFYNWYD -

- (a) *yn amodol ar sylwadau'r aelodau a nodir uchod, cefnogi Cynllun Gweithredu Dod yn Agosach at y Gymuned sydd yn Atodiad 1 i'r adroddiad;*
- (b) *cyflwyno adroddiad ar y cynigion drafft ynghylch trefniadau amgen i ddisodli'r Fforymau Cymunedol i'r pwyllgor ym mis Medi neu fis Hydref 2012, a*
- (c) *bod y Rheolwr Ymgysylltiad Cymunedol yn cysylltu â'r Rheolwr Cefnogi a Datblygu Aelodau gyda'r bwriad o gynig cyfle i aelodau lleol fod yn bresennol*

mewn Seremonïau Dinasyddiaeth yn y dyfodol i ymgeiswyr sy'n byw yn Sir Ddinbych.

8 RHAGLEN WAITH ARCHWILIO

Cyflwynodd y Cydlynnydd Archwilio adroddiad (a rannwyd o'r blaen), yn gofyn i Aelodau adolygu blaen raglen waith y pwyllgor ac yn cyflwyno'r wybodaeth ddiweddaraf i'r aelodau ar faterion perthnasol. Roedd blaen raglen waith ddrafft (Atodiad 1) a blaen raglen waith y Cabinet (Atodiad 2) a Chynnydd ar Benderfyniadau'r Pwyllgor (Atodiad 3) ynghlwm â'r adroddiad.

Gofynnwyd hefyd i'r Aelodau ystyried a oedd y pynciau a nodwyd o'r blaen dal yn berthnasol ar gyfer archwilio yn y dyfodol ac i ystyried archwilio ffynonellau gwaith yn y dyfodol yn codi o'r Rhaglen Ymlaen y Rhyl. Wrth ystyried blaen raglen waith y pwyllgor, cwmpasodd yr aelodau y diben a'r canlyniadau a ddisgwylir o nifer o eitemau'r adroddiad yr oeddynt yn dymuno'u harchwilio yn y dyfodol a chytunwyd -

- derbyn adroddiadau ar effeithiolrwydd gweithredu gorfodaeth ynghylch baw cŵn a Chludiant Cyhoeddus yn y Sir (gan gynnwys TAITH a chludiant gwledig) yn gynnar ar ôl etholiadau'r cyngor sir.
- cyfeirio'r eitem ar Ymddygiad Heriol a'i effaith ar wasanaethau'r Cyngor i'r Pwyllgor Archwilio Partneriaethau
- derbyn adroddiadau yn y dyfodol ar Ansawdd a Darpariaeth Adnoddau Cymunedol ac Addysg; Cynaliadwyedd Cymunedol; Ardaloedd Perygl Llifogydd o fewn Sir Ddinbych; Adolygu Asedau Treftadaeth a'r Celfyddydau a Gwaredu Adeiladau, Eiddo a Thir y Cyngor
- gohirio ystyried perthnasedd eitemau penodol ar gyfer archwilio yn y dyfodol tan ar ôl etholiadau'r cyngor sir ym mis Mai, mewn perthynas â Mynediad i Gefn Gwlad; Darparu Rheoli Gwastraff i Fusnesau ac Ysgolion; Trosglwyddo Gwasanaethau i Gynghorau Tref; effeithiolrwydd Teledu Cylch Cyfyng a Ffermydd Gwynt
- dileu'r adroddiad a oedd wedi'i drefnu ar gyfer mis Medi 2012 ar Ysgol Dinas Brân gan fod y broblem cludiant bron iawn wedi'i datrys
- archwilio'r tri phrif brosiect / ffynonellau gwaith yn codi o'r Rhaglen Ymlaen y Rhyl a neilltuo'u cyfarfod ar 13 Medi 2012 at y diben hwnnw. Gofynnodd Aelodau am i'r cyfarfod gael ei gynnal yn Nhŷ Russel, y Rhyl a gwahodd sefydliadau allanol sydd â rhan yn y Rhaglen. Gofynnwyd hefyd am dynnu sylw at y cyfarfod i roi cyfle i drigolion lleol fod yn bresennol. Roedd yr aelodau o'r farn y byddai taith o gwmpas y safleoedd allweddol o gwmpas y Rhyl yn ddefnyddiol i'r pwyllgor ar ôl y cyfarfod hwnnw.

PENDERFYNWYD, yn amodol ar y newidiadau a'r ceisiadau uchod, cymeradwyo'r rhaglen waith y cyfeirir ati yn Atodiad 1 yr adroddiad.

9 ADBORTH GAN GYNRYCHIOLWYR Y PWYLLGOR

Ni dderbyniwyd unrhyw adroddiadau o gynrychiolwyr y pwyllgor.

Cyn cau'r cyfarfod cymerodd y Cadeirydd y cyfle i ddiolch i'r aelodau am eu gwasanaeth ar y pwyllgor a dymunodd y gorau iddynt am y dyfodol. Nododd y

Cynghorydd Rhys Hughes ei fod wedi mwynhau'i amser ar y pwyllgor a diolchodd i'r Cadeirydd am ei gyfraniad.

Daeth y cyfarfod i ben am 11.30am.